



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De his, quae Hermannus Abbas vidit de loco nostro, c. 91.

urn:nbn:de:hbz:466:1-13177

spondit, Deus vobis ignoscat, quod tantam mihi gratiam hac nocte subtraxisti, & recitauit ei visionem. Cui illa, Noli flere bona filia, nunquam de cetero te exire compellam. APOLLONIVS: Mirifica sunt quae recitas. CÆSARIUS: Vis nunquam audire octauo loco ex his aliquam quae visu, auditu, & gustu percepta sunt, nec tamen prædictis ordinibus propter distantiam inseri potuerunt? APOLLONIVS: Volo ac desidero. CÆSARIUS: Sicut in capite huius distinctionis præmissum est, schalam erexi, per quam humanæ visioni sancti descendentes, cuius duo latera duo dixi genera visionum, corporale & spirituale: octo etiam inserui scaldilia, supremum attribuens Christo, reliqua sex, sex ordinibus Sanctorum, de quibus sufficienter dictum est. In octauo autem gradu diuersarum rerum visiones loquabo, primò tamen eam, quae visa est de loco nostro.

C A P V T X C I .

Diu antequam conuentus noster de Claustro emissus fuisset, dominus Hermannus, nunc Abbas loci sanctæ Mariæ, tunc simplex monachus in Claustro, nocte quadam per visum ante gradum presbyterij sibi stare videbatur, & datus est ei in manus crucifixus, ut fieri solet in emissione alicuius conuentus: stabant & circa eum viri candidati. Vedit etiam in choro fluuium limpidissimum, qui per utrumque chorū fluebat, & in eo nauim, quam concordens, cum tam rapidissimus esset cursus eius, ut nauis in unum columnarum impingisset, nisi per temponem eius industria fuisset auersa, non stetit, donec veniret ad locum quendam infirmitorio nostro proximum. Venerunt & cum eo supradicti viri candidati. Tunc osfa arida humana cum capitibus ex omni parte mirabiliter quadam virtute a deforis ultra murum cadebant; erat enim, ut Ezechielis visionis recordor, multa valde. Stante conuentu inter montem Stromberch & iam dictum locum, Saluator, qui inter eos stare visus est, unum ex monachis dure satis retraxit, alium modestius amouens, seorsum statuit. Ecce talis fuit visio. APOLLONIVS: Quae est illius interpretatio? CÆSARIUS:

*Visiones
rerum
diuersarum,
i. de ma-
nasterio
Heisler-
bacensi.*

Ezecl.37.

L 14 Deus



336 DE DIVERSIS VISIONIBVS

Deus illi praeostendit, quae futura erant de loco nostro, tunc quidem obscura, non omnis plana valde. Dominus Philippus Colonensis Archiepiscopus, sciens ordinem vigere in Hemmenrode, & de illo limpidissimo fluente aridatem suam diocesis irrigare desiderans, de eadem domo conuentum sibi dari petuit, & obtinuit: electi sunt ex monachis duodecim, & predictus Hermannus in Abbatem eis ordinatus est: qui ante gradum presbyterij, ut longe ante prauiderat, crucem suscipiens, cum eis per nauigium venit in montem Stromberg. In quo tribus annis ccc. morati, descendunt in vallem, quae nunc dicitur vallis S. Petri, illic muro, de quo supra dictum est, se claudentes. Ossa illa arida designant homines seculares spiritualis gratiae immunes, qui in valle conueisi sunt ad vitam religiosam. Fluuius, qui per oratorium cum impetu fluat, significat domus eius religionem, quae clara est per puritatem traditionum, & impetuosa per feruorem obseruationum. Quod nauim a columna auerit, sine causa non fuit: nam cum conuentus super prefatum venisset montem, & multa necessaria decessent, quidam reminiscentes aedificiorum, & aliorum multorum quae dimiserant, & murmurantes vellent redire, dominus Hermannus Abbas cum semul ac secundo de persecuerantia eos monuisse, nec profecisset, quasi temone nauem a columna submersos, ait: Cessate, state, nullus nostrum reuertetur: ego autem temonem abieci. Is autem quem dure retraxit Christus, cum aliis quidem scriptus fuerat & nominatus, sed subsequentis importuna petitione submotus; ipse est Ioannes sacerdos, quem Dominus modeste extrahens, seorsum fecit: cum conuentu emissus, cum conuento nostetit, quia per licentiam extortam remissus est. Hac est visionis interpretatio, secundum quod ab ipso didici Abbe Hermanno.

APOLLONIVS: Nihil hic, ut video, actum est sine nutu diuino.

CÆSARIUS: Nauigantibus eis in Rheno, sicut adhuc omnes, qui ex eis viuunt, restes sunt, viderunt supra se in caelo circulum lucidum, & septem in eo soles.

APOLLONIVS: Quid per circulum

vcl



vel quid per septem soles videtur tibi intelligendum?
CÆSARIVS: Per circulum eundem intelligo æternitatem sancti Spiritus, per septem soles, septem eius dona, quibus bono exemplo eiusdem congregationis prouincia erat illuminanda.

CAPUT XCII.

Quidam Conuersus, qui cum eodem conuentu missus est, Rudolphus nomine, vir bonus ac religiosus, cum die quadam de priuata veniens, illotis manibus oratorium nostrum intraret, & ex ordine se aspergere teneretur, intra suas cogitationes dicere cœpit: Aqua hæc sancta est & benedicta, nec decet ut manibus immundis te illa aspergas: cui mox in aëre vox clara respondit: Quod ego mundaui, tu non potes polluere. Et cognouit ibi, magis Deo displicere immunditas cordis, quam corporis: in anime puritate Deus delectatur.

CAPUT XCIII.

Monacho cuidam Deus ostendere volens animæ suæ puritatem, in excessum mentis illum adduxit: in quo excessu puerum pulcherrimū intra sua viscera cōtemplatus est. Ad se autem reuersus, intellexit eundem fuisse animā suā, Dei munere ab omni labore criminū mundatū: puer enim à puritate dictus est. APOL. Puto quod nō sit tutū, si homo multis cōsolationes suas manifestet. CAES. Per multos labores & tentationes, & hoc secretè, diuinæ consolations adipiscuntur, & facile, manifestatæ, subtrahuntur. Vtrumq; verum esse, singulis tibi ostendā exēplis.

CAPUT XCIV.

Dum nuper, hoc anno scilicet, in quadam domo sanctimonialium ordinis nostri, à celiaria per totum conuentum pictantia, id est oua frixa, diuiderentur, nescio quo casu, una ex eis negligita est: non tamen arbitror actum casu, sed diuino nutu, vt Dei gloria manifestaretur in illa; patientissime autem defectum illum sustinens, imò neglectam se gratulans, cum Deo gratias referret, summus ille Abbas inuisibilem ei pictantiam misit: cuius inenarratio